



BASES, TERMOS E CONDICIÓN DE PROMOCIÓN NA REDE SOCIAL INSTAGRAM DE 25 LOTES DE MULLERES CON FORZA

A área de Cohesión Social do Concello de Lugo organiza unha promoción na conta oficial de Xuventude de Lugo na plataforma social Instagram.

Esta promoción, da marca *Mulleres con Forza*, desenvolverase con suxeición aos termos e condicións detallados a continuación.

DESVINCULACIÓN RESPECTO A INSTAGRAM

A plataforma social Instagram non patrocina, avala nin administra de ningún xeito a esta promoción, nin está asociada a ela. Mediante a aceptación das presentes bases, as persoas participantes desvinculan a esta plataforma de calquera reclamación que puidesen expor durante o desenvolvemento da presente promoción e aceptan que é unha plataforma totalmente independente da mesma.

A información que proporcione a persoa usuaria utilizarase para xestionar a súa participación como concursante e comunicar o premio cando corresponda.

DURACIÓN

A promoción terá lugar na conta oficial de Instagram de Xuventude de Lugo (https://www.instagram.com/xuventude_lugo/) dende a publicación do primeiro *post* do sorteo o venres, 5 de marzo de 2021, e as persoas gañadoras publicaranse na mañá do día 9 de marzo. A promoción é válida no territorio galego.

REQUISITOS DE PARTICIPACIÓN

Poderán participar nesta promoción as persoas físicas, de entre 14 e 35 anos, á data da celebración da promoción, con residencia legal en Lugo (ou que estuden ou traballen no municipio), que teñan un perfil de usuario real activo, non sendo en ningún caso válidas as nomeadas "contas concurso" e que sexan seguidoras da conta oficial de Xuventude de Lugo en Instagram. Este último requisito poderá comprobarse polos medios que a mencionada plataforma social facilite e, no caso de que por axustes de privacidade ou da propia plataforma non poida comprobarse, darase por válido.

No caso de menores de idade, a organización comunica que será o pai/nai/titor ou titora os únicos responsables de controlar e asistir aos menores na navegación; non admitindo a organización ningunha reclamación ao respecto.

MÉCANICA DE PARTICIPACIÓN

Para participar nesta promoción, ademais de cumprir cos requisitos recollidos no anterior punto, cada unha das persoas participantes terá que subir unha publicación, en modo público, á súa conta de Instagram cunha imaxe de recunchos do rueiro feminista de Lugo e mencionar a @xuventude_lugo, empregando o cancelo #MulleresConForza. Só se admite unha publicación por perfil.

As e os participantes asumen a responsabilidade en canto á autoría e orixinalidade das imaxes coas que participen.

Non estarán permitidas as publicacións cuxo contido se considere inadecuado, que sexa ofensivo, inxurioso, ameazante, discriminatorio ou puidese vulnerar dereitos de terceiros; reservándose a área de Cohesión Social o dereito de descualificar as persoas participantes que as emitan e de denunciar os referidos contidos.

PREMIOS

Establécese como premios 25 lotes de material publicitario de *Mulleres con forza*, compostos por unha bolsa de tea, un estoxo, un bolígrafo, un lapis, un bote de xel desinfectante e a publicación *En Lugo sementamos igualdade*. Os premios da presente promoción, en ningún caso, poderán ser obxecto de cambio, alteración, compensación económica ou cesión a petición da persoa gañadora. Non obstante ao anterior, en caso de concorreren circunstancias extraordinarias a xuízo da área de Cohesión Social, esta resérvase a facultade de substituír algún elemento dos premios da presente promoción por outro de similares características e igual ou superior ou valor.

Do mesmo xeito, queda prohibida a venda ou comercialización do premio polas persoas gañadoras.

DETERMINACIÓN DAS PERSOAS GAÑADORAS, COMUNICACIÓN E ENTREGA DOS PREMIOS

Recibirán os premios as 25 publicacións con máis “Gústame” que cumpran os requisitos e a mecánica de participación. A comunicación das e dos gañadores realizarase o 9 de marzo mediante un comentario no *post* do concurso e/ou unha publicación propia; recollendo ambas as dúas opcións a publicación do nome das persoas gañadoras.

Unha vez anunciadas as e os gañadores, estes terán de prazo ata o domingo, 14 de marzo de 2021 para reclamar o premio, a cuxos efectos se poderá enviar un correo electrónico ao enderezo xuventude@lugo.gal; no que terán que indicar: a confirmación de aceptación do premio, datos persoais e a opción onde se queira recoller o premio. Establécense dúas localizacións para a recollida, ben sexa na Casa da Muller (Parque da Milagrosa), en horario de 09:00 a 14:00 horas, ou en Xuventude (no centro de convivencia Uxío Novoneyra, rúa Quiroga Ballesteros), en horario de 17:00 a 19:00 horas. Deberase pedir cita previa no teléfono 982297412 (Casa da Muller) ou 982297496 (Xuventude).

Unha vez recibidos os datos solicitados, a organización poderá requirir ás persoas gañadoras, cando o estime oportuno, a confirmación da titularidade das súas contas de Instagram, así como a acreditación de estar empadroados, estudar ou traballar en Lugo; e a autorización do pai/nai/titor/titora.

No caso de non reclamar en tempo e forma ou renuncia, o premio pasará ás seguintes persoas que atesouren na súa fotografía máis “Gústame”. A renuncia ao premio non dará ningún dereito de indemnización ou compensación.

As persoas gañadoras disporán dun prazo de 30 días naturais para recoller o premio, contados dende o momento de aceptación do premio. Para a súa entrega, será condición indispensable a exhibición da documentación acreditativa da súa identidade en vigor. A negativa a proporcionar a devandita documentación levará á perda do dereito a percibir o premio.

As persoas gañadoras do lote comprométese a subir unha fotografía do gozar do premio mencionando o perfil oficial de Xuventude de Lugo. Para ditos efectos, a persoa gañadora garante que será o único e lexítimo autor da fotografía que suba.

Así mesmo, as persoas gañadoras consenten á organización a empregar o seu nome e apelidos ou nome de usuario en Instagram en calquera actividade de difusión relacionada con esta promoción, en calquera medio.



Concello de Lugo

ÁREA DE COHESIÓN SOCIAL
Ref: Xuventude
Asunto: Lotes Mulleres con Forza Instagram

Esta promoción realízase tamén nas plataformas Facebook e Twitter. Cada persoa usuaria poderá participar nas tres redes sociais, podendo, de ser gañadora, recoller un só premio.

DISPOSICIÓNS FINAIS

Ao presentarse a este concurso, cada persoa participante manifesta a aceptación total das bases do mesmo.

Calquera incidencia non contemplada nestas bases, que se publicarán en www.concellodelugo.gal, será resolta pola organización.

As bases están suxeitas a posibles cambios que poidan xurdir por motivos alleos á vontade da organización, erratas ou causas de forza maior.



ANEXO: RUEIRO FEMINISTA

Glorieta 25 de Novembro
Rúa 8 de Marzo
Rúa Alicia Vilas
Rúa María Barbeito
Rúa das Cesteiras
Rúa Concepción Arenal
Rúa das Costureiras
Rúa Dona Urraca
Rúa Emilia Pardo Bazán
Rúa Enriqueta Otero
Rúa Inés de Castro
Avenida Infanta Elena, Duquesa de Lugo
Rúa Juana A Tola
Rúa Juana Ibarborou
Rúa das Leiteiras
Rúa María Balteira
Rúa María Castaña
Rúa das Oleiras
Rúa das Panadeiras
Rúa Paz Parada Pumar
Rúa Concepción Saiz Otero
Rúa Sofía Casanova
Rúa Teresa de Calcuta
Rúa Tres Marias
Rúa Olimpia Valencia López
Rúa Xoana de Castro
Rúa Xulia Minguillón
Rúa Isabel de Zelanda y Gómez

- Parque Rosalía de Castro

*** Así mesmo, inclúense rúas, que aínda que non son alusivas ao papel/labor da acción feminista, si fan referencia ao sexo feminino por cuestión a herdanzas culturais, relixiosas, sociais, ...

Praza do Carme, rúa do Carme e Ronda do Carme
Rúa Divina Pastora
Rúa das Hermanitas
Ronda das Mercedes
Rúa e Praza da Milagrosa
Rúa Perpetuo Socorro
Praza de Santa María
Rúa Virxe da Esperanza
Rúa Virxe da Soidade
Rúa Virxe dos Ollos Grandes